


La esperience umane di Tarcisio Petracco cemût che le à contade lui stes intune conversazion dal 1987

"La mê? Une vite complicade"

Tarcisio Petracco al à vivût une vite pardabon aventureuse, ma lui al veve miôr definîle «complicade». Al jere un om sudizionôs, cence sgherlifs e mignagnulis. I aponts che o presentin a son essenzialmentri la pome di une lungje conversazion, vude cun lui sul finî dal 1987. «Fin di frut, e je stade une vite complicade». Cussi al veve scomençât la sô conte

Tarcisio Petracco, nassût a Sant Zorç de Richinvelde ai 29 di Març dal 1910. Ae vilie de "rote" di Cjaurêt, al scjampe rifugiât cu la sô famee, prime a Florence e dopo a Masse Carrara. Intal '19 al torne in Friûl, ma dome un an dopo al piert la mame, il pari al murirà plui tart, dopo vê abadât cun grancj sacrificis ai siei 6 fis, e tant che tancj furlans simpri «sumiant la cjase».



A 16 agns, Tarcisio al à la notizie che nol pues lâ indevant cui studis, al à di pensâ anje lui ae famee, lavorant prime al Bert, dopo tant che impleât des assicurazions. Lavôr e studi: a saran il cruzi e la passion de sô vite.

Intal 1928 a La Spezia, insieme a altris 18 compagns, su 200 iscrirts, al passe il cors par marconist uficiâl de marine comerciâl, un diplome internazionâl che però - al visave - «no mi à servît a nuie». Il servizi militar lu fâs in Marine, dulà che si ingaie intal 1931. La «ferme» e dure 28 mès; al ven congjedât, ma dopo dai 13 di Lui dal 1935 al ven riclamât.

Fra il congjê e il riclam, in graciis de sô passion e de sô indurance, al rive a otignî la maturitât classiche. Il di dal exam finâl al coincît in maniere soradine cu la date de tornade sot des armis. La notizie le à propit dilunc de stesse telefonade là che al comunicave il sucès scolastic sudât.

Za dilunc de jeve, intal 1932 a Bari, al veve dât une vore e prove des sôs capacitâts e de sô volontât di fier, otignint il diplome di mestri (profession esercitade par un periodi curt, a Raussët).

Volontât di fier

Une volontât di fier, chê di Petracco, par une intelligence no comune e un fisic no mancul efficient. «Se o podevi, o fasevi sport», al confidave. Di fat, al vinç a Taranto lis garis nazionâls de Marine. Lis «sôs dissiplinis»; 100 metris plans e salt in lunc. Sot des armis al reste fin al

1937, cundut che la vuere coloniâl e sedi finide intal '36. In chei agns al deveve anje radiotelegrafist, student su libris cjapâts a prestî, lambicât de dibisugne di cjatâsi une profession reditizie. Ancjemò une volte tignût sù - cemût che al diseve lui stes - de «fuarce de disperazion».

Dilunc dal servizi militar al vuadagne cualchi bêç piturand e fasint ritratôs. Se di no lis 25 liris al mès de

tût magjistrâl e al continue a dâ lezioni privadis. In plui «al da i esami universitaris a dute fuarce, simpri di corse, fra Parenzo e Padue, student di gnot. No podarai mai dismenteâ - al vise - chei miei compagns di viaç triestins che, esentâts dal militar, se a levin a schiâ, intant che jo...».

Il di di Pasche dal '39 al è riclamât di gnûf sot des armis e al à di imbarcjâsi a La Spezia. Ai 17 di Jugn dal 1940 si lauree, usufruint di un congjê di 24 oris. La sô tesi, in antropogeografia, e je dedicade al flum Midune.

Fin ai 8 di Setembar dal 1943, al vîf la esperience de vuere intal Mediterani, imbarcjât su 10 nâfs diversis. Al à di combati anje intal mâr Egjeu, costret a ingjavâ la teribile «Rote de muart», ma lui al è tant felîç di jessi infîn inte Grecie, che al ame. E dopo, in chest mût, al rive anje a scjampâ la incarhe di corîr segret dal Stât plui grant, che al riten un puest di «imboscât».

Un partigijan in biciclete

Il di dal armistizi al è a Flum, al scjampe ai nazisj e al rive a Cividât, dulà che al pues insegnâ al liceu «Pauli Diacun» e dedicâsi cu la solite determinazion ae lote partigiane, jentrant intal Osôf. Za sottenent di nâf, al comande il bataon Spilimberc e, dopo il maçalizi di Porçûs, al devente commissari de VII Brigade, a Cividât.

Ae fin de vuere al siere il cjapitul Resistence, cence pretindi ricognos-

siments o favôrs. Il so probleme al è cjatâ une ocupazion sigure, par vè il necessari. Al insegne a Cividât; dopo al cjol la direzion de Scuole mutilâts, a Udin; al torne di gnûf a Cividât fin al '47. Dal 1947 al '49 al è al liceu classic «Stellini». «Ma l'insegnament nol bastave e alore o soi lâ in Canada, ae aventure. Al è stât tant dîr, o jeri disocupât, di invier...».

In Friûl al à lassât la femine Nadie, originarie dal Comelic, e la sô prime fie. Chei altris doi fis (un muart in etât zovine) a nassaran in Canada. A Vierte e oten un puest di manoâl, lavorant 8:9 oris al di.

La emigracion dal professor Petracco dure fin al 1955. «O ai fat duç i mistûrs - al visave - fin al vertîç, cuant che o soi diventât pitôr. A Toronto o soi rivât a vinci anje une gare di decorazion». Par 5 agns, dilunc des seradis, al è impegnât intal insegnament dal inglês ai emigrants. Il so vèr fin: «Insegnâ lôr a vè dignitât».

Cuant che al torne in Friûl, cu la famee, insegne dal imprim aces scuole mediis, ae Manzoni di Udin. A son anje i agns che al torne a dâ, cun grande intensitât, lis lezioni di latin e di grêc.

Dopo altris trasferiments fra il liceu classic e il scientific, 5 abilitazions e un concors, al oten infîn une cattedre al «Stellini», dulà che ai 18 di Març dal 1971 al scomence la sô lote personal pe Universitât, organizant une prime petizion fra i docents.

Universitât, universitât

Ai 10 di Fevrâr dal 1972, al fonde il Comitât pe Universitât furlana

ne e al scomence une bataie che e discunis cuintri la oposizion triestine e la otusitât dai sorestants furlans.


Une lote là che il professor Tarcis Petracco al à metût sot dutis lis sôs energjis e lis sôs risorsis. «Par 12 agns - al visave intune altre ocasion - no ai podût dâ lezioni. O ai fat no mancul di 100 mil chilometri in machine, patint varis incidents e finint cuatri voltis intal fossâl».

Ma anje di chest lui nol voleve che si fevelàs o al scrivès. Cemût che de sô passion pe Grecie, la sô storie e la sô literature, che ogni an i faseve fâ veris spedizions esplorativis inte sô seconde patrie. E cun se, di là de cineprese, al veve simpri i classicis de literature greghe, che al cognosseve ae perfezion.

Ancjetant risiervât al jere su la sô passion pes invenzions technichis, che al faseve inte cantinelaboratori. Al veve miôr inveçit visâsi il so «progjet», che al reste l'impegn par chei che a an colabôrât cun lui e a vuelin lâ indevant cu la opare: «Operâ par che la Universitât di Udin e deventi la Universitât dal Friûl e si completi cui altris cors e chês altris facoltâts, par sodisfâ dutis lis sieltis dai students furlans che a meretin di lâ indevant a studiâ».

Muart a Udin ai 5 di Zenâr dal 1997, al à struçât la sô esperience umane e politiche tai volums La lotta per l'Universitât friulana (saltât fûr postum, tal 1998) e Lotta partigiana al confine orientale (1994).

L.N.



Il paveon titulât a Petracco li dal Policlinic universitari di Udin